

طريقة استخدام تطبيق زووم

طريقة الاستخدام وانشاء غرفة على زووم.. تحميل للاندرويد والكمبيوتر والايفون.



تطبيق وبرنامج **زووم** للمكالمات الجماعية انتشر بصورة مرتفعة جداً في الفترة الاخيرة بسبب الظروف الراهنة والعمل من المنزل .. وبسبب دعم التطبيق لعمل محادثه جماعية بصورة ممتازة ... فالمنصبه مناسبة جداً لعمل الاجتماعات الخاصه بالعمل ومتابعه آخر التطورات في شركتك..

اذا كنت جديد في استخدام تطبيق او برنامج زووم **Zoom** .. انشاء حساب جديد على زووم والبدء في استخدامه وطريقة عمل الغرف وانشاء اجتماع اونلاين .. كل دا واكثر سيتم شرحه في دليل استخدام تطبيق زووم الكامل.

طريقة تنزيل زووم على الكمبيوتر او الاندرويد و الايفون.

اول خطوة هي تثبيت البرنامج على الجهاز الى هتستخدمه سواء كمبيوتر او اندرويد او ايفون ..وعلشان تعمل كدا هتسجل حساب على منصة زووم [اضغط هنا للتسجيل](#) .. هتملي البيانات الخاصه بتسجيلك او ممكن تتخطي العمليه دي عن طريق التسجيل بواسطة الفيس بوك او جوجل.

بعد عمل حساب مجاني دلوقتي تقدر تنزل التطبيق على اي منصة سواء الكمبيوتر الشخصي الخاص بك او موبايلك الاندرويد و الايفون .. وكمان تقدر تستخدم الحساب من على المتصفح وتدخل الاجتماعات بدون تنزيل اي برامج ..

[تحميل زووم للكمبيوتر.](#)

[تحميل زووم للاندرويد.](#)

[تحميل زووم للايفون.](#)

بعد تنزيل التطبيق على اي منصة هيطلب منك تعديل بعض المعلومات الخاصه بيك زي مثلاً الصورة الشخصية الخاصه بحسابك .. والصورة دي هتظهر في الاجتماعات بدل الفيديو في حالة اغلاق الفيديو فاختر صورة مناسبة .. وممكن تغير الصورة الشخصية الخاصه بيك من على المتصفح لو بتفضل استخدام المنصة بدون اي برامج.

ملحوظة آخري وهيا حالة المكرفون والكاميرة على التطبيق .. فعند دخول الاجتماع بتكون الحالة الافتراضية ان الميكرفون لا يعمل والكاميرا ايضاً و تقدر تغير الاعدادات دي اثناء الاجتماع بسهولة .. ولكن لو عايز تغير الاعدادات الافتراضيه بمعني لما تبدأ اجتماع يكون الافتراضي مثلا ان المايك والكاميرا شغالين اتبع الخطوات التالية:

1. ادخل الي الاعدادات الخاصه بالتطبيق او البرنامج .

2. اضغط على اعدادات الفيديو.

3. قم بتغيير خيار Turn off my video when joining meetings.
4. واختار اعدادات الصوت وكرر نفس الشيء على حسب اختيارك.

شرح طريقة استخدام مزايا زووم Zoom:

احسن طريقة انك تعرف منصة زووم وتتعرف على المزايا الكثير الموجوده في التطبيق هيا البدء في استخدامه بدون اي اجتماعات .. بمعنى انك تفتح المنصه او التطبيق وتضغط على Start New Meeting .. وهيكون انت الوحيد اللي في الاجتماع ودا هيديك الحريه انك تجرب كل المزايا قبل ما تبدأ في اجتماع حقيقي وهنكلم عن بعض المزايا اللي ممكن تجربها.

تشغيل/ايقاف المايك والكاميرا: جرب تشغل المايك وتقفله دا في حالات انك عايز تعمل كدا في اجتماع حقيقي فلازم تبقي عارف الميزة دي ومنين تختارها وكمان جرب تقفل الكاميرة وتشغلها.. كل دا هيساعدك تتحكم في الصوت والصورة لما تكلم حد في الخلفية مثلا او تقوم من الاجتماع تعمل حاجه وترجع بدون ما تزعج اي حد.

اسكات شخص: عمل Mute لاحد المشاركين في الاجتماع خاصيه بتتاح لمستضيف الاجتماع فقط بمعنى الشخص اللي عامل الاجتماع .. يقدر يقفل صوت المايك لاي شخص في الاجتماع في حالة مثلاً وجود صوت مزعج في الخلفية او اي سبب آخر.


رفع اليد: ميزة Raise your hand موجوده في المنصه في حالة انك عايز تتكلم تقدر تختارها وانت في الاجتماع .. الميزة دي موجوده في الشريط اللي في اسفل الشاشة لما بتضغط عليها بتدى اشارة انك عايز تقول حاجه في الاجتماع ودي بتساعد على تنظيم الاجتماع اكثر.


تسجيل الاجتماع: كل اجتماع بتعمله على زووم تقدر تسجله بسهولة عن طريق المستضيف للاجتماع او الشخص اللي عامل الاجتماع .. والميزة دي ممتازة جداً لانها بتمكن اي شخص

محضرش الاجتماع انو يحضره في وقت آخر ويشوف آخر المستجدات .. ولاستخدم الميزة دي وتسجيل الاجتماع في زووم اضغط من الشريط " تسجيل " .

المحادثة مع الاصدقاء: زووم بجانب مكالمات الفيديو و الاجتماعات بيوفر ليك شات ومحادثه كتابية مع كل الاصدقاء الموجودين معاك في البرنامج والشات سهل جداً وسلس في الاستخدام.. وتقدر من خلاله تدي رأيك في الاجتماع وكل اللى عليك انك تضغط على Chat وتكتب الرسالة اللى عايزها.

مشاركة الشاشة: تقدر كمان تشارك شاشة الكمبيوتر الخاص بيك مثلاً في الاجتماع .. ودي ميزة ممتازة جداً واللى بتكون اساسية سواء في الشرح او في عرض بعض التقارير المهمة في الاجتماع .. وتقدر تختار عرض جزء محدد من الشاشة فقط .. وكمان موجود صبورة في البرنامج تقدر تستخدمها وتشرح عليها بعض المفاهيم او المعادلات او ايأ كان.





طريقة دخول اجتماع في زووم Zoom:

بكل سهولة بعد انشاء حساب على منصه زووم وتعرفك على المميزات الاساسية وطريقة استخدام تقدر تدخل اجتماع عن طريق اللينك اللى بيتم ارساله من المستضيف او الشخص الذي انشأ الاجتماع..

في طريقة آخري وان مستضيف الاجتماع هيشارك معاك رقم اسمه ID .. هتدخل برنامج زووم وتضغط على Join او الانضمام وتكتب الرقم الخاص بالاجتماع.

والطريقة الثالثة والاخيرة للانضمام الى الاجتماع في حالة عدو وجود انترنت بتكون عن طريق ارسال رسالة ليك على رقم فيها رقم وتتصل عليه وتقدر تدخل الاجتماع بدون اي انترنت .. ودا في حالة لو انت في الطريق او في مكان لا يوجد فيه اي انترنت.

طريقة انشاء اجتماع او غرفة على زووم zoom:

اسهل طريقة لعمل غرفة او اجتماع على زووم .. ادخل المنصه واضغط على **New Meeting** او اجتماع جديد وتقدر تبعث لينك الاجتماع الي الاشخاص اللى عايزهم ينضموا.. او الرقم الخاص بالاجتماع ..

في طريقة آخري بعد عمل الاجتماع اضغط على دعوة او **Invite** واختار من الاصدقاء واضغط على ارسال الدعوة. هيوصلك ايميل عليه اللينك و ID و كمان الرقم لو في اي شخص حابب يدخل الاجتماع عن طريق مكالمه هاتفية.

طريقة انهاء الاجتماع على زووم:

بعد الانتهاء من المحادثه تقدر تضغط على **End Meeting** او انهاء الاجتماع .. وكدا تقدر تعمل اجتماع آخر في وقت تاني .. وخيار الانهاء بيكون متاح للشخص اللى انشئ الاجتماع لكن لو انت مشارك فقط ..يمكنك مغادرة الاجتماع بنفس الطريقة.

نأمل أن تكونوا قد استفدتم من دليل استخدام تطبيق زووم